

DEO OPTIMO MAXIMO VNI ET TRINO. VIRGINI DEIPARÆ.
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA
CARDINALITIIS DISPVATIONIBVS MANE DISCVTIENDA
IN SCHOLIS MEDICORVM. DIE IOVIS IX. MARTII.

M. HVGONE CHASLES Doctore Medico, Moderatore.

Estne Autumnalibus insonnijs fides habenda?

941

ANIMA somniantis partim dormit, partim vigilat. Leni, blandaque ciborum anathymias, tamquam vinculo, constricti sensus vacationem ab omni munere obtinent. Soluta spirituum impulsu phantasia operi liberius lasciuiaque incumbit: Illa animæ affectio, somnus; hæc, insonnium appellatur: Altera alteri struit insidias, etsi ab invicem nunquam sejungantur. Sorbilis somnus, & adhuc incipiens somnia non parit. Adultus in sui perniciem somniorum ferax. Declinans, & iam debilis recreatum cerebrum, & nouo lumine illustratum prolebeat præstantiore. Caue phreneticorum deliramenta, insonnia pures: Illa infra humanum statum deiciunt animum, hæc sæpius attollunt hominem supra hominem, deoque coniungunt. Imperfecta animalia non somniant, animâ vix vni discretioni intentâ. Cerebrum nimio humorum pondere grauatum, aut exhaustum spiritibus, fingendis somnijs ineptum: arctior somnus altius in animam penetrat. Animalia statim à cibo, aut validiore exercitatione non somniant, vt nec infantes: nimia humiditate irretitæ rerum species, aut vehementiori labore dissolutæ, vel altius depressæ non emicant. Quæcumque spatio latiore ab utroque extremo defleddit cerebri constitutio, vt somno, ita nec somnio aduersatur.

IN hunc deliciarum pariter, ac molestiarum portum sæpius nos ducit oppressi cura animi, corporis, vel fortunæ, quæ talis se se ingerit dormientibus, qualis fatigauerit vigilantes; Nonnumquam latens corporis, & humorum affectio; raro demonaliquis, aut intelligentia superior. Hinc interiores animi affectus deteguntur, hinc morum humorumque temperamentum innotesceit, & recondita morborum semina se se dant in aperitum. Annon etiam ex insonnijs, niues, imbres, & futuros terræ motus liceat aliquando acriore animâ præuidere? Leniter & æquabiliter impulsu spiritus animales, dum sopitas rerum species, cerebro insculptas, blandè excitant, aut aliud aduectas suauiter excipiunt, moxque nitidi speculi instar, puras & sinceras phantasias repræsentant, certa ciant somnia, & expedita. Quæ ad auroram contingunt somnia clariora. Vere quieta & pacata, Melancholicus humor naturalis mediocri calore fulgens, non adustus, vt homines reddit ingeniosos, sic rectè somniantes. Spirituum, vaporumque turbulentus & concitator impetus præpostera & distorta obijcit animo simulachra, quæ modò præ nigrore terrorem timorèmq; incutiunt, modò addunt audaciam præ fulgore.

AIRIS constitutio somnianti animæ fauet, vel aduersatur. Diurna maiore lumine lumen interius dissipat, nox circumfusus, non offusus tenebris colligit; Illa cerebrum spiritusque motu exagitat, hæc silentio demulcet, & quiete temperat, vt rectè sapientissima indicetur. Hyeme raro somniant animantes; erassis frigidisque ciborum vaporibus cerebri meatus occluduntur, torpet phantasia, nec expedit in imagines reuoluitur; reliquis anni temporibus frequentius. Insonnia vere & æstate dominantem in corpore humorem, ac latentes animi mores & affectus clariùs exprimunt, autumno minùs. Illorum æquabilis temperies spirituum vias patentes & liberas efficit; Huius siccitas immodica, & mutua ac subita caloris & frigoris vicissitudo cerebrum exasperat, meatus coarctat, & intercept: Hinc spirituum motus interruptitur, alius ex alio citissimè connectitur, perque consequentes figuras subito transuolans phantasia in alias atque alias auocatur, oblita priorum. Quid quod ventorum tunc temporis spirantium natura varia, & mutabilis indoles cerebrum afficit variè, humorum colluie replet, atrâ densaque caligine obfuscatur spiritus, animique obundit aciem?

AUTUMNUS maximè conferunt humores puri, limpidi, tenues. Contrâ verò crassi, turbidi, & vitiosi, quales edaci autumnò congeruntur, vana & futilia excitant insonnia. Bubulæ, leporinæ, & vetustorum quadrupedum carnes crassæ sunt, fibrosæ, duræ; grauandis, quam instaurandis corporis animæque viribus aptiores. Leguminum genus stitiosum, pauci nutrimenti. Faba, etsi succi bonitate præstantes, venerem & turbulenta insonnia, si quod aliud, maximè mouent, statibus totum corpus distendunt, citò secedunt. Pisca tardius, sed minùs statulenta. Lentescit nemini non noxiæ, crassæ prauæque substantiæ, strumas, epilepsiam, similesque morbos procreant. Fructus omnes recentes crudo & seroso humore abundant. Ficus & vuae citò implent, & in statuosam humiditatem conuertuntur. Vinum recens ab vuis expressum naturâ calidum, statulentum, corpori turbas molitur, tenui vapore caput tentat, spiritus reddit temulentos & præcipientes, seminis auget materiam, & lubricas libidinis per somnum mouet imagines. Horum omnium vsus & efus autumnò familiaris humorum puritatem inquinat, viscerum substantiam, maximè verò cerebri lucidum corpus inficit & contaminat.

AUTVMNVS arcturi exortu, pleiadumque ocausu cosmico circumscriptus, omnium anni partium perniciosissimus, diuturnorum malignorumque morborum ferax, cerebrum summam & principem corporis arcem multis oppugnat machinis; epilepticis insulsiuibus vehementer concutit, maniacis angoribus torquet, varijs incubi phantasmatibus terret, lenius mitiusque habet, cum quiete demulctum, & reparandis spiritibus suauiter occupatum auocat, turbulentis que ludit imaginibus. Adultis humores, quos antea ætatis æstatis seruo genuit, & ad cerebrum excussit, impeditâ dissipatione intus cohibentur, diuersoque ciantur motu. Bilis pura & sincera somnia excitat ignea, plena furoris & iracundiæ; melancholia horrenda, tristitia, & terroris plena; pituita, niuis, aquarum, pluuiæ; sanguis læta & iucunda; humor varius & multiformis varia & distorta. Melancholici, febrientes, & temulenti multiformes visiones habent. Autumnò somnia ne cures. Atro, densoque velamine obducitur mentis oculus, vt quæ tunc temporis contingunt insonnia, non per corneam, sed per eburneam portam subintrent in animum.

Non ergo Autumnalibus insonnijs fides habenda.

F.P.P.
BLANCHET

384

Proponebat Lutetiæ NICOLAUS BLANCHET, Parisinus. A. R. S. H. M. DC. XLV.